






于野集卷三

青浦王原西亭選

賦得冬日可愛

陸崑曾



今昔無私照。暄寒有異時。陰陰當歲晚。煦煦照何天。  
慈似向春風。坐如持暖律。吹蘭思闕東。牖用黃山谷事梅  
待訪南枝過。隙良堪惜。迴戈未可知。茅簷正須曝。  
莫易隨崦嵫。

前題

姚廷謙

最愛三冬日。融和及大千。研池冰乍解。梅閣藥將  
圓。短晷誰能繫。奇溫不藉綿。那須爐獸燠。獨與野



人暄氣轉飛。灰管煙生種。玉田閒來無箇事。得遂  
向陽眠。

前題

朱霞

午夜窮陰斂。金鷄出海新。冰霜難占地。暄暖最依  
人。入牖先烘硯。窺池漸起鱗。便教梅破笑。不仗酒  
和神。酷甚翻疑夏。恩施已借春。布裘千萬丈。那得  
比平均。

前題

張琳

碧瓦霜初斂。銅鉦曉已懸。融融穿戶隙。烈烈破冰  
堅。小暖先臨背。長吟合聳肩。沍寒憂白袷。借景得  
麗中天。

前題

徐是做

黃綿膠艇欣通棹。鳴騶快整鞭。萬方同一點。當午  
麗中天。

前題

何默

霜曉門徐啟。冰膠研屢呵。東林纔挂日。大地已含  
和。不藉吞霞慣。還同挾纊過。茅檐容偃蹇。駒隙莫



蹉跎麗景看添線。華年比擲梭。願將野人意珍重。  
獻鷺坡。

登一覽樓和夏忠靖公韻 張琳

城外飛樓窻外山。江鄉如鏡入憑闌。石臺雲去風  
幡靜。文杏霜凋古甃寒。農事畢來過小雪。漁歌起  
處弄晴瀾。三生誰是聽鐘侶。吟罷渾忘落照殘。

前題 朱霞

百里村墟九點山。最宜於此縱憑闌。僧稀漫憶虹  
光現。鶴去空驚雁叫寒。香稻北歸雲際艦。鯨波東  
接海壖瀾。人間一覽何時盡。落照空林又向殘。

前題 姚培枝

登臨不獨為看山。今古蒼茫一倚闌。數點亂鴉驚  
歲晚。千村落木護雲寒。虹光斷處難尋井。泐水晴  
空遠見瀾。剩有先人遺墨在。肯教風雨漫摧殘。  
先舍

人曾修此樓  
匾額尚在

前題 姚廷謙

百尺樓高對遠山。黯然無語一憑闌。諸天法界九  
霄近。落日西風萬里寒。筆陣尚留書煥發。鶴歸那  
禁涕洟瀾。尚書忠節空祠廟。煙草淒迷暮色殘。  
周公

祠在郡  
城已廢



前題

陸崑曾

愛看晴郊九點山。會須長此凭危闌。人來初地一。  
何迴樓傍層霄。乃爾寒村落不分雲擁樹。夕陽無  
際海迴瀾。尚書題句曾留壁。遺墨蒼涼半已殘。

前題

徐是做

落盡楓林見遠山。寺樓高處且憑闌。雖臨城市塵  
偏隔。直逼雲霄氣自寒。時。熱。妙。檀。香。起。霧。舊。題。好。  
句。筆。翻。瀾。金。鰻。青。虎。何。從。問。目。送。斜。陽。鳥。外。殘。

前題

何默

為愛空濛九點山。偶來高閣一凭闌。晴窗面面延

虛碧。煙樹層層鎖薄寒。鴉亂夕陽峰落翠帆歸遠。  
水。泖。回。瀾。千。年。遺。事。無。從。問。舊。井。虹。沉。蔓。草。殘。

說虎

朱霞

世人寡目見。往往詫所聞。橐駝馬腫背。誰知非其  
真。我昔喜說虎。談者常津津。所傳不皆實。要各有  
所因。近從海濱歸。奔告有村民。平地來白額。公然  
晝馱人。衆噪爭逐之。長嘯發怒嗔。有耳未經聽。聽  
之亡精魂。適有賈勇者。鐵搗四十斤。直前奮一擊。  
折之如蔥根。盛氣益無憚。吮血肥其身。跌蕩迫城  
邑。市行俱跋跋。飛礮中其耳。一蹶方就麋。是物非



地產其來初無跟。既非傳以翼。母乃若有神。吾謂  
演易聖。以虎配大人。天文布列宿。秉鉞西方蹲。不  
應太草草。赴食如犬豚。貪殘甘喪軀。軀喪名尤冤。  
嘗聞射虎者。昔有裴將軍。一朝獲三十。自誇技絕  
倫。忽焉遇真虎。投弓氣為瘖。唐裴旻事方知聞見外。別有  
竒。雋存葉公懼真龍。画者奉若珍。偽虎非真虎。吁。  
嗟難具論。

前題

陸崑曾

老翁來浦南。行行淚如霰。自言被虎災。倉卒去海  
甸。父祖近百年。居此樂清晏。戾蟲從何來。腥風一

朝煽。初疑告者誣。直欲唾其面。豈知勢漸逼。公然  
到沙堰。時攫官馬食。而况羊豕賤。委地骨如麻。染  
草血成茜。邨落聞夜呼。誰其往救援。逃竄恐不及。  
更堪奉驅遣。本管榜路傍。袖手有嚴譴。苦竹黃蘆  
間。諭令搜索遍。嗟嗟荷耒者。孰是馮與卞。因之去  
鄉里。無復萌瞻戀。老翁言未畢。心眼並驚眩。我昔  
下黎嶺。曉行偶居殿。道逢兩於菟。四目激流電。撲  
石石崖墮。嘯林林木顫。欲進馬不前。欲退轅不轉。  
方寸并萬慮。精力頓衰倦。履尾竟獲亨。餘生存一  
綫。阿翁慎勿悲。脫此乃天眷。涉險如坦途。造物恤。



良善不然。乏寸鐵爾。我安所擅諒哉。古人言談虎為色變。

前題

姚廷謙

虎於天地間。稟性固非善。當其飢食人。肆惡固難忍。要豈得已然。飢驅勢不免。造物既生斯。羣分各有限。胥疏於山林。城邑非所踐。吳山多坦夷。松郡地尤褊。近聞虎為殃。海壖敢投躡。有客為余言。昨夜睽碧眼。攫人當朝餐。咋牛充晝膳。雄雄百夫長。強弓大羽筈。自誇身手好。誓欲嘗其臠。馬驚左股傷。身脫氣久喘。是物從何來。舍山據平行。爰有海

中鯨。秋深輒能變。改形不改性。凶悍猝難剪。余顧謂客言。子言信非誕。豈知虎雖暴。材薄能亦謫。人有甚於是。未可以籌算。嫉善如仇讐。腹刃喜深剗。容貌常噓嘔。言辭多繾綣。使之不及防。殺機乃大展。其身愈益肥。其欲愈未滿。朝市固有之。草澤亦不鮮。我聞虎恃威。不畏已者免。以此一相方。作計正相反。七日化牛哀。此理今亦舛。騶虞不可期。人虎誰能辨。

前題

張琳

越中多巉巖。實乃虎之穴。日晚陰風生。此物頻出



沒長嘯。劃林巒。頑皮耐兵鐵。曙光發。深夜睽睽掛。雙月。偃鬼相因。依人畜恣饕餮。官家比獵戶。箭戟未敢掣。時和少。猛政或者不復出。葺城煙水鄉。浩浩圍大澤。其間惟蛟宮。節制在河伯。海山隔已遠。安得此蟲跡。昨者聞人言。沙頭出白額。豈能渡海來。誰歟。傳以翼。或云本鯊魚。變化肆橫逆。越人習見慣。吳儂實怖嚇。傷殘雖不多。及早建良策。網羅湏乘時。大爲三日索。殲惡在剛果。觀望戒瑟縮。我作說虎詩。重爲賢者責。

分詠飲中八仙歌

知章騎馬似乘船

姚廷謙

金貂換酒別歸遲。扶上花驄總未知。共指歌鞍驚賀老。猶誇解水勝吳兒。帝鄉自古風波地。醉客寧防失墜時。不待鑑湖叨寵賜。陸沉情味已如斯。

道逢麴車口流涎

朱奕

酒泉那得任盤桓。三斗朝天舌尚乾。誰遣麴神相觸撥。頓教玉液起波瀾。飄來馥烈春無主。沁入心脾戶正寬。但恨醉鄉游未遍。底湏藥餌慕劉安。

飲如長鯨吸百川

姚培枝

螺傾蠶酌漫紛紛。轟飲如鯨自不羣。一往氣豪堪



破浪百杯神王欲凌雲。但看此刻無餘瀝。那計從前有宿醺。觴政所頒真易盡。不煩舉白更浮君。

舉觴白眼望青天

張琳

激豔紅螺琥珀浮。那知塵劫與丹丘。任他白日忙西走。欲屈銀河作倒流。舉世有人憎阮籍。太虛無地著蜉蝣。同心好對騎鯨客。玉樹臨風更莫儔。

醉中往往愛逃禪

何默

麴蘖由來具佛乘。昏酣豈與俗爲朋。當筵倦對金貂客。據榻仍參布袋僧。米汁啜來真滴乳。酒星懸處即傳燈。二豪未識其中趣。攘臂相看意氣增。

長安市上酒家眠

朱霞

十里春風麴蘖香。謫仙於此醉鱸旁。從他蜀道生塵海。嬾向金門且睡鄉。天上曾無高力士。人間祇有賀知章。九衢日暮歌鐘起。一枕蓬山夢正長。

揮毫落紙如雲煙

陸崑曾

數行橫掃疾如馳。雲卷烟舒豈自知。乘醉獨能生變化。倚顛元不費矜持。髮端莫訝全濡墨。座上先空滿泛卮。常熟老翁癡欲絕。每來求判訟庭時。

高譚雄辯驚四筵

徐是做

醉中胸次絕塵氛。開口寧同衆所云。但看從容揮



塵尾定能頃刻却秦軍。卑之誰謂無高論。幸矣人皆得。異聞最是狂言足驚座。餘風猶及杜司勳。

菊花枕歌

徐是做

金風吹菊浴籬生。融融冶冶含黃英。貞色固為人  
所愛。餌之還可期。身輕采擷乃費終日力。細瑣漫  
取筠籠盛。暴以秋陽味尤美。時時咀嚼目且明。所  
餘悉代枕中絮。枕長尺半裝忽盈。拈鍼縫就取適  
用。非同七寶修合成。梅花帳空桃簟滑。得此為配  
殊有情。芬芳襲人殘夢裏。猶疑籬下尋花行。

和景予菊花枕歌

朱霞

徐君種菊異時俗。秋花繞舍不插竹。朝看冷豔直  
至晚。晚采落英常滿掬。落英滿園不忍棄。咀嚼之  
餘仍珍秘。函之作枕供睡眠。欲使清香沁心肺。世  
人但知寶黃金。金多夜夜勞其心。高牆複壁怕眩  
篋。雖眠那得温重衾。知君枕此輕且安。况乃久服  
獨宿丸。夢為黃蝶入花去。花與夢魂常作團。可惜  
古人無此法。北窻高臥未為愜。豈如枕此更妥帖。  
梅花帳。蘆花被。三友同盟誰可擬。水晶眠夢何足  
齒。

前題

陸崑曾



南陽鞠草味甘厚。有泉飲之人老壽。東西移植不  
改性。根苗葉蕊利於病。相傳服食能延年。兼療目  
昏。枕可填。徐君五十顏少壯。蘆花作被。紙作帳。更  
縫尺布裹秋英。頭面得醒心。魂清天一之生。常不  
竭。倒流注眼明如月。琉璃合椀椀。終礙金鏡刮膜  
膜。故在不若此枕。懷芳馨。與氣嘘吸通神靈。風霜  
颯然夢初覺。焦腑竅穴為洗濯。乃知此方果良藥。  
我欲分裁遍籬落。

前題

姚廷謙

徐君逸致神仙儔。夢魂亦與清香謀。帳中有枕縫

尺素。實以黃花可代絮。秋來花發盈籬邊。落英萬  
點鋪黃綿。呼奴采采向日曝。曝乾盈斗用不瀆。芬  
芳直欲沁肺肝。花神夜夜朝泥丸。世人但知高枕  
好。那識枕中藏至寶。吾聞開元有枕號遊仙。十洲  
三島別有天。又聞元和貢枕名重光。樓臺人物增  
輝煌。徐君高趣在枕不在枕。衆香國裏常酣寢。

前題

董杏燧

古錦作囊貯落英。橫陳被底寒香生。身如蝴蝶花  
上睡。花氣薰人人欲醉。深深踵息吸金精。泥丸諸  
部神俱清。秋風嫋嫋引仙夢。夢中栩栩來空洞。竹



牀紙帳眠梅花。冷淡丰標是一家。淮南鴻寶何用讀。采取黃芽滿甘谷。

前題

張琳

徐君愛花同陶潛。一生活計東籬邊。自言服之可延年。秋來開遍黃金鈿。興到每從花畔飲。對花真欲共花寢。采之不竭餐有餘。更取落英裝入枕。一片清涼靜中領。琥珀珊瑚直須屏。遽然身入黑甜鄉。化作蝶魂蹴香影。梅花帳中臭味親。不比妖紅能惱人。縱令鬪盡三春豔。只被東風鋪作茵。

夜讀

張琳

把卷忘深夜。依然少壯心。莫教虛寸燭。還欲補分陰。宿鳥驚殘漏。寒星淡遠林。箇中滋味在。未肯倦追尋。

前題

朱奕

耿耿殘燈下。披翻嬾去眠。三餘聊繼晷。一卷直窮年。蟾影侵衰髻。雞聲冷舊氈。淒清憶荆布。曾共夜機前。

前題

陸崑曾

寂歷聽殘漏。辛勤把舊編。肯拋無睡夜。須趁未衰年。定定自生慧。超超乍入玄。兒童苦相促。爲報曉



雞天

前題

姚廷謙

上下三千歲。能忘一卷橫。惜陰嗟短日。好古見深情。睡思同魔遣。心花共燭生。翻嗤劉主簿。起舞為雞聲。

前題

朱霞

絕愛三冬夜。攤書對短檠。大千羣籟息。終古此心明。質鈍勤須補。辭融悟轉生。莫將糟粕視。暗室但冥行。

前題

徐是傲

月黑重簾外。鐙青小院中。時當羣動息。人與一編同。汲古真源接。探竒靜氣通。因憐少年客。酣睡觸屏風。

前題

王集思

靜得書中味。偏宜是夜分。竹風飄宿鳥。梅月度微雲。未向瓶中嗽。還餘酒後醺。古人應夢見。覲面挹清芬。

飲小山書屋

姚廷謙

鑿冰斫脰出中廚。暖室筵開到日晡。叢桂尚含秋氣骨。老梅欲綻雪肌膚。經參海印窮真諦。

聽耕方與圃  
玉談楞嚴經



屏點礬頭入畫圖。為和新詩忘坐久。窺人霜月到  
庭隅。

前題

陸崑曾

小山書屋早安排。酒醖詩籌得好懷。霜後桂枝猶  
歷歷。春前鳥語自喈喈。字繙梵貝經文古。韻冷蟾  
蜍月色佳。來此不辭終日夕。灑然心地出塵埋。

前題

朱霞

何曾近市接塵囂。每以尋詩見雅招。齋號小山餘  
老桂。甕開昔釀餽紅椒。月中鵲影巢初架。筆底花  
頭凍盡消。歸路不愁逢醉尉。嚴城猶未鍵深宵。

前題

張琳

南榮一綫覺微和。破曉平橋喜再過。樹撼霜風濃  
葉少。庭排石筍小山多。吟聲入座陽春雪。燭影搖  
尊激灩波。安用留髭問薌澤。醉來不禁舞僂僂。

前題

姚翱

何事勞勞損性靈。小山寒月印中庭。謀身漫道逢  
時拙。得句欣從靜夜聽。常媿半生同濩落。聊將一  
醉托沉冥。人間榮悴休相問。蝶夢初酣不願醒。

前題

朱奕

未老心情愛閉關。年來結習已全刪。足音差喜聞



空谷桂樹還思賦。小山對酒不辭千日醉。繡經聊得六時間。寸中混沌由人鑿。一味忘機我獨頑。  
寒窻雜詠

山茶

朱霞

消。葉似青琅刺。花疑頰玉雕。最宜微雪襯。著處却旋

水仙

君。金粉迴宮額。雲藍蘸水裙。案頭騷一卷。冉冉下湘

草蘭

孕。磁盆老葉寒。紫笋已爭迸。誰識春風香。都從冰雪

蠟梅

無粉不成妝。爭思學壽陽。寧知北地女。嬌面佛能黃。  
佛粧見日下舊聞

天竹

時。見說麻姑手。丹砂米所為。至今成竹實。留待鳳饑

月季

霜濃餘淺白。酒薄暈微紅。冷暖從渠眼。花頭月月



同。

枸杞

旭日照東園。霜籬火齊繁。愛他仙犬吠。不忍劓靈根。

長春

剪綵鬪春妍。吳娘綠鬢邊。幽尋應不到。雪砌滿金鈿。

山茶

姚廷謙

絳房開向雪中多。嘲誚無須學老坡。看到花深元有態。沉香薰得醉顏酡。

蠟梅

故勝尋常南北枝。纍纍滿綴歲寒時。午衙小暖遊蜂出。却訝生香不敢窺。

天竹

燒雪千枝凍欲流。一叢庭畔愛清幽。誰敲金谷珊瑚碎。粒粒分勻綴上頭。

水仙

鏤冰為珮玉為珂。那許纖塵濺鞞羅。此日寒江正清淺。不妨來此駐凌波。

草蘭



幽蘭剪剪愛青蔥。數簇柔尖小砌東。不是冰霜深  
護惜。誰留香。色到春風。

枸杞

洞中仙犬杳難尋的的丹砂引翠禽。更有寫生能  
事在宮詹遺跡比兼金。家藏先宮詹  
画枸杞真蹟

月季

錦屏深處好滋培。一月相思一度開。寄語羣花莫  
相妬。年年曾為領春回。

長春

深黃一簇小金鈿。短景暉暉著色鮮。日日是春春

不管春光翻在雪霜邊。

山茶

陸崑曾

山茶吐冷豔。伴我青青松。亦有遠洋產。桃李爭春  
容。後先不同時。喧寂成異蹤。擇一以自處。問君安  
適從。

水仙

茲花冠羣芳。凌波號仙子。歲晚一移植。渺然湘江  
水。粉黛掃。凡豔冰霜出。殊美薤葉與蔥根。作者勿  
輕儼。

天竹



我愛南天竹。結實垂垂紅。何當竊食鳥。時來窺寒  
叢。網羅任高張。乘間啄已空。天生多汝曹。鳳兮千  
載窮。

蠟梅

徧觀種植書。古來無此族。吟詩賞姑谿。始自李端  
叔。日暖蠟不融。宵寒氣逾馥。與梅同品格。我欲栽  
繞屋。

月季

月月看月季。不異紅薔花。逼冬轉濃重。騰光如蒸  
霞。長條縱橫垂。密葉參差遮。老夫態寒縮。對爾深

谷嗟

枸杞

枸杞子。纍纍壓枝無氣力。霜嚴雪酷時。點作猩紅  
色。非徒誇美觀。亦以資服食。舉世無知者。棄之在  
荆棘。

草蘭

蘭草懷幽芳。未春苗先茁。青青托根叢。尋覓忽已  
失。時與鼻觀通。會此好風日。辭彼巖居人。招之偶  
或出。

長春



長春小於菊。翠葉黃金英。霜摧愈煥發。子落仍叢生。四節有代謝。一花無枯榮。人壽能幾何。邈焉懷聃彭。

山茶

張琳

鶴頂濃分絳樹。寶珠燭破寒光。掃取山堂雪片。對君細品旗槍。

草蘭

微陽暗回磁斗。紫筍春前競抽。約取光風轉處。美人先上釵頭。

水仙

黃冠翠帔仙客。白石青溪女郎家。去水雲未遠。綠牕閒寫瀟湘。

天竹

牆角偏遮夏日。窻間獨豔霜寒。翠禽欲下偷覷。敢啄珊瑚木難。

月季

開謝不殊。莫莢色香無間。春秋三百六句。同醉何妨。日索纏頭。

蠟梅

標格欲分素豔。小名曾記黃香。抱得滿腔冰麝。不



入山家蜜房。

枸杞

昔避仙人玉杖。今留塵世丹砂。不換白雲紅影洞中。曾吠桃花。

長春

點點留春長住。融融與菊同妍。翠袖佳人。不見恹來。誰撒金錢。

送圃玉之潤州得行字

朱霞

歲晚豈得已。揚帆事遠行。橐金隨手盡。匣劍倚牀鳴。驚外冰猶薄。梅邊雪漸明。思心逐爾去。一塔潤

州城

前題

姚廷謙

寒事將凝雪。河橋恰送行。檣烏辭樹杪。沙雁落江聲。慣作諸侯客。能忘歲暮情。可堪翹首處。鐵甕是詩城。

前題

張琳

總為饑驅出。衝寒復遠行。暮雲京口樹。曉月谷陽城。雙鬢梅侵白。孤吟雪共清。春風須鼓棹。歸聽鷓鴣聲。

奉答諸同學

陸崑曾



欲發期還改。艱難在此行。明知暫時別。亦有去鄉情。對酒虛知己。裁詩報客程。十年多聚散。真悔逐浮名。

于野集卷四

青浦王原西亭選

詠雪

張琳

歲暮無聊。雨雪不已。偶思詞人皆豔推雪賦。觀其侔色揣稱。洵可謂賦物之工。而神韻實未暢也。適有以八題見示者。遂約諸同人分賦。即景指事。不必效古人白戰之嚴。庶不至俱作萬頃同縞千巖俱白一色語云爾。

欲集

寒江黯黯日無暉。千里同雲凍不飛。苦竹叢邊移



釣艇。黃沙影裏閉柴扉。亦知天女將爲戲。無奈風姨預作威。萬象此時都向寂。迴然吾欲坐忘機。

始凝

聽來瑟瑟響虛無。先集須知有是夫。亂落瓦溝疑凍雨。遍分階罅作跳珠。紅絲難串光千斛。翠幕休侵火一爐。急辦青錢謀斗酒。免教布被起廉隅。

密下

隨風整整復斜斜。無雨相攙盡作花。總愛池光貪照鏡。競尋窻縫欲穿紗。鐘沉隔水探梅寺。路斷前村賣酒家。折竹封條堆漸滿。樹頭何計宿饑鴉。

積素

一派寒光淨不流。礬山膠合冷龍湫。直教醉眼迷銀海。頓使吟肩聳玉樓。幾點空青溪上屋。一颿飛白浦前舟。廣簷戲指玲瓏影。挂盡冰釵若箇收。

不夜

娑娑玉樹晚來凝。幾曲紅欄醉可凭。凍雀似迷三里霧。野狐難辨一池冰。光添東嶺疑生月。影射西窻儘代燈。誰解寒宵好風景。笑他鍵戶擁青綾。

曉霽

凍雲一夜捲西風。飄瞥晨曦透軟紅。應有歸船剡



水曲便思策蹇灞橋東。松身未卸龍鱗滑。竹葉先  
蘇鳳尾空。放眼縱看江國淨。太虛不與昨宵同。

初融

銀界由來總化城。風回暘谷快烘晴。向陽徑草微  
分影。無雨簷花細。有聲梅骨瘦。時脂粉褪。波心活  
處。縠紋生。兒童搏得獅狔在。角落牙摧半不成。

消殘

幾日江山失舊形。今朝相對眼仍青。遊魚乍喜窺  
萍藻。乾鵲爭來噪瓦櫺。樹底尚看留點點。鬢邊難  
換是星星。星文園從此能消渴。貯得瓊膏滿玉瓶。

欲集

朱奕

風靜閒門雀可羅。朝昏不辨擬如何。遠村一抹酒  
旗出。小閣四垂雲脚多。天地無情歸慘澹。朋儕有  
約憚經過。灞橋說與耽吟者。象外搜竒費琢磨。

始凝

未辦驕裘貫酒歸。敵寒聊仗獸爐威。不知鮫淚千  
珠迸。只道梅花一片飛。瓦上夢殘驚瑟瑟。窗前風  
逗映微微。我生已媿知時晚。欲與誰人說審幾。

密下

太平有象祝豐年。父老懽騰九陌前。總是雨珠兼



雨。玉莫分飛絮。與飛綿。寒江釣艇。朦朧畫。煖閣圍  
爐爛熳。仙差喜一清塵事掃。阿誰剝啄破高眠。

積素

移來瑤島在人間。鶴駕逡巡覓往還。頓使豪華成  
白屋。何妨糞土是銀山。江天一氣無塵滓。城郭千  
家靜閉關。擬就酒壚深淺酌。愁將寒色上衰顏。

不夜

身在光華復旦天。良宵無月競嬋娟。平分紙帳迷  
清曉。閒傍紗窗作小年。呵凍漫揮珠玉管。燒燈空  
設綺羅筵。疎慵怕被兒童笑。猶擁殘書半枕邊。

曉霽

西風捲盡凍雲歸。萬頃晴空一鶴飛。望裏樓臺多  
入畫。照來蓬葦也生輝。負暄且著黃綿襖。掃徑先  
開白板扉。松竹寄聲無恙在。豈愁車馬客來稀。

初融

凍合重圍定解嚴。天公此意豈趨炎。雲移碧瓦簷  
牙出。玉和香泥屐齒黏。山帽有情皆脫絮。牆腰無  
賴尚堆鹽。飄絲疑雨空晴旭。爲語東風不捲簾。

消殘

江山洗出望中新。攜杖飄然岸角巾。綠水紅橋元



似舊。瑤臺玉宇本無塵。麥苗初茁。凝如黛。菜甲將肥。軟入脣。報道南枝消息近。不辭擔酒惱比鄰。

欲集

何默

廣莫風嚴。乍透扉。寥天無際。日藏暉。鴻爭鳥道。紛紛度。客逐人煙。草草歸。漫訝旗亭增酒價。最憐葑屋黯愁圍。神仙作戲。還猶豫。且示南華杜德機。

始凝

遙天向午。益低迷。微霰婆娑。巧弄姿。成顆定應憐。海客非花。何必怨風姨。流空漸作千林響。破陣先驚六出奇。授簡定應當此際。憑軒搔首靜抽思。

密下

翩翩挾黨勢難馴。似整還斜。變態新。繞樹每看翻蝶浪。沾衣幾度落珠塵。山頭髣髴連姑射。水上翩翩降洛神。最是晚來風力倦。猶將餘舞一逡巡。

積素

橘柚千頭竹萬竿。園林是處白漫漫。瓊漿凍合堪消渴。玉屑吹盈不辟寒。夢斷野鷗空似水。飢驅飛鳥疾於湍。不知何路通蓬閬。銀界無邊一縱看。

不夜

欹眠倚坐兩因仍。素影宵來萬里澄。窻正有書勞



獨映樓偏無月。愛重登。渾忘漏盡。催銀箭。忽訝星  
低露玉繩。夜到山陰如畫處。飄然餘興欲飛騰。

曉霽

寒戀重衾。夢未迴。晴鳩林外忽相催。童兒競喜銅  
鉦挂。素女爭看寶鏡開。玉種藍田煙自起。歌翻黃  
竹調空哀。門前不惜瓊瑤破。鶴氅翩躚若箇來。

初融

玉管誰吹黍谷溫。寒陰輕淺射朝暎。簷冰鎮日不  
聞響。屋瓦移時漸見痕。鄒叟悲歌空歲暮。趙妃瘦  
立自黃昏。東君不爽年年約。先與梅花續斷魂。

消殘

興滅旋同瓦上霜。緒風吹徹避清暘。枝頭無復迴  
波舞。花畔猶留半面粉。梁苑酒闌應徙倚。灞橋吟  
斷益淒涼。高寒遠白看將盡。何處盧家認玉堂。

欲集

朱霞

塔上風鈴靜禿當。同雲俄已徧江鄉。天形無處尋  
匡廓。世態全駈入混茫。瓦雀愁飢羣唧唧。酒旗得  
價自颺颺。先生堅坐蒲團煖。添炷爐中一縷香。

始凝

漠漠遙天靜四圍。點空空色是耶非。忽驚竹裡連



珠入還見梅邊一片飛。羞不成花旋已褪。無多作  
伴覓誰依。湖灘白鳥知相避。早向東林接翅歸。

密下

何自翩翩挾伴來。半隨迅掃半低回。倚風作勢真  
成戲。占地無邊豈易裁。画閣漫誇楊柳絮。茅簷欲  
認豆稽灰。獨憐漁叟提壺處。一點空濛小釣臺。

積素

相對惟宜百尺樓。冷然吾得遂天遊。試看徑路歸  
何有。頓覺乾坤到十洲。樹敵祇存紅獸炭。俚人端  
愛木棉裘。盪摩朱碧從教盡。任是高山也白顛。

不夜

埭雞祝祝已昏黃。坐久翻添虛室光。定有鼈裘來  
入座。劇憐劒彩故依牀。清心似水應通觀。老眼看  
書尚鬪強。何處華堂貪漏永。長檠珠翠鬪輝煌。

曉霽

凍角吹殘珠斗斜。天容野色混無涯。瓊林尚帶初  
沉月。銀闕旋烘乍起霞。獨鶴夢回還自語。亂鴉迷  
處但相譁。當軒最愛黃綿暖。占得陽春實可誇。

初融

莫道東君淑氣遙。久留不住是瓊瑶。山尖馬耳青



應濕檣杪烏頭白已消。拂拂煖煙生逼午。遲遲小滴度深宵。最宜幾點橫枝玉。洗出精神一倍嬌。

消殘

臘破春回一指彈。訝他盈尺去無端。零紈剝粉猶無限。小抹斜拖正耐看。蓼節枯邊魚蘚在。松梢密處鶴翎殘。未須一夜輕消盡。見說峨眉夏尚寒。

欲集

姚廷謙

昨夜驚飈已息狂。朝來夜色更蒼茫。日輪斗覺黃綿薄。雪片旋同素幙張。靜攝人心還太古。寒凝天意在沙場。清關別有閒心在。驢背尋詩興不忘。

始凝

一片空濛淡墨天。漸聞瑟瑟瑣牕邊。金刀澀處花難剪。玉屑拋來唾並圓。挾伴歸山多倦鳥。行空作戲選羣仙。橫枝密篠休相妬。小綴微黏益灑然。

密下

半作花飛半作埃。彌天無主信難猜。漫思素女乘鸞下。豈有莊生化蝶來。撥火烹茶童子健。換柴得米老樵回。不須更倩王維畫。玉樹瓊枝取次栽。

積素

恠來世界失紅塵。幻出森羅萬象新。幾幅溪山留



粉本千家屋瓦失魚鱗。亦知色相無非幻。始信肝腸別有真。呵凍此時勤索句。問誰曲調似陽春。

不夜

砌玉鋪旃正繞軒。不須待月過黃昏。繞枝驚鵲仍無主。守舍仙廬不吠門。定有神來名主夜。惜無客至可留髭。寒輝漫憶珠盈寸。獨擁薰爐獸炭溫。

曉霽

宿雲捲盡碧天高。萬里澄空湧素濤。乍訝明霞浮海市。旋看愛日麗江臯。乾衣騎馬過橋路。誇酒書帘出樹梢。画入藍田原髣髴。餘冬此景莫相拋。

初融

銀泥障子爍寒廳。早漏春光入画屏。篷背已同龜背拆。山頭先露佛頭青。東風欲入誰家苑。生意仍存幾葉萸。最是文牕如對語。翠禽啁哳已堪聽。

消殘

連朝樓榭藹晴暉。碧瓦參差半欲晞。豈是窺牆猶剩粉。誤疑織素有殘機。先春快見萱苗茁。吐氣欣看菜甲肥。画鼓聲中留不住。讓他綺陌鬪芳菲。

欲集

陸崑曾

疑晴疑雨狀難真。似夜初闌欲向晨。寒氣忽凌將



盡歲西風方造未來。因鴉當歸處。千羣亂雲到。平時一抹勻。却笑神仙玉潑墨。海天求去作都巡。

始凝

軒窗面面透寒威。啟看遙空幾點飛。惟霰從來每先集。斯人自昔少知幾。沾衣細瑣揮仍在。著瓦輕圓積尚微。誰解當前參妙諦。隣虛塵析是耶非。

密下

如拳大片捲迴風。誰把天花散滿空。砌畔離襟爭舞蝶。窻間零亂打春蟲。高寒先見山巔白。清冷旋消酒面紅。我有杜陵憂國意。相看惟是願年豐。

積素

騰六停飛樹斂煙。陰陰仍是未晴天。目光不受白無際。行跡莫尋凍自堅。勒住梅花常隔歲。壓低菜甲半平田。此時此景真奇絕。肯學高人向晝眠。

不夜

啁啾何處宿饑禽。素影從虛漸逼侵。豈有月臨關不夜。料無繩繫日西沉。纖毫入望都能辨。遙漏將殘獨自吟。十二時中常照澈。惜陰聊慰向來心。

曉霽

號呼已罷朔風狂。昏曠徐開曉色蒼。良玉煙生知



日暖恒河凍合認沙黃。莫嗟罅隙難逢。現是處恩光。總向陽。見少有人同。粵蜀笑他驚吠。一時忙。

初融

峭寒已減得晴朝。不待東風漸欲消。幾筆漏痕汚壁粉。一圍帶孔瘦牆腰。酒帘颺暖思投店。屐齒沾泥懶過橋。試問薰爐明燭夜。鄒枚猶在可能招。

消殘

自來興滅本無端。鴛瓦霜封易得殘。翠色早開松五粒。碧氛遙洗竹千竿。窻虛仍待餘光入。路背常憐剩粉寒。消息乘時同一轍。何須鳩鵲觀頭看。

欲集

徐是做

昨夜嚴飈吼似雷。無端釀就雪胚胎。四垂雲喜湏臾布。六出花看早晚開。自昔簡從梁苑授。而今歌待郢中來。寒鴉亦解天公意。未到昏時各已回。


始凝

凝成朔霰在斯湏。散自遙天細欲無。窻紙撲時初窻窄。瓦溝糝處未沾濡。從空似擲麻姑米。無定誰拋神女珠。好把一竿江上釣。荷蓑得不費踟躕。

密下

誰將環珮舞長風。壓篠封梅是處同。飄瞥空花殊





P12



浩蕩發揮天意最玲瓏。騎驢人隔茫茫裏。放鶴船歸黯黯中。只爲有心看玉戲。忍寒未肯閉簾櫳。

積素

乍看飄絮復飄綿。已滿牆邊又水邊。凍却峻塗平似席。鋪來曲岬直如弦。莫愁煮茗泉難致。只恐尋梅屐不前。曾記北平同猛士。短衣射虎朔風天。

不夜

粉裝銀醮各縱橫。朗朗身從崑圃行。豈待燈殘天始曙。雖逢莫盡月猶明。光侵窻罅雞談劇。冷逼廊腰鶴夢驚。獨歎孫康今不作。夜來絕少讀書聲。

密下

迴風起舞態纖纖。非絮非花遇即粘。曲岬經時空水面。遙山何處失峰尖。欺梅壓竹狂偏甚。剝鶴髭鸞勢太嚴。盈尺也知豐歲兆。奈他愁絕是窮簷。

積素

憑高縱眼浩難窮。皎皎寒光萬頃同。画裏樓臺瑤圃畔。夢遊世界玉壺中。填平岐路千層險。掃盡浮塵十丈紅。試向蒼雲招白鶴。飄然我欲御長風。

不夜

非關朗月在當頭。滅燭何妨續夜遊。勁氣迸將寒



漏澈清光靜繞碧空流。半窗未可驚焦寢。一葉還  
虛訪戴舟。寄語封姨莫迅掃。依依留映讀書樓。

曉霽

寒雲片片落無邊。沙界微茫接遠天。旭日一丸還  
逞曜。明霞千縷倍生妍。酒帘已見微青颺。饑鷺難  
尋淺碧眠。地僻幸無車馬過。獨披鶴氅學神仙。

初融

嚴威漸解放斜曛。簷溜時從靜裏聞。池面晶熒開  
素錦。山腰活動是浮雲。旋看松頂髭仍改。頓覺梅  
梢瘦幾分。且汲寒泉烹活火。凝甌碧乳散幽芬。

消殘

轉盼瑤華見。現無亂山依舊接平蕪。頻增白戰詩  
千首。消盡青州酒百壺。殘匹尚留貧女素。零紈猶  
凜北風圖。疎狂自笑忘機甚。空想峨眉氣象殊。

示應庵放生池

姚廷謙

城西有芟溪。溪清多遊魚。泉眼出溪底。淡蕩生蒲  
藻。惜其浸不廣。四圍同盃盃。前賢於此地。請官禁  
網罟。歲久禁漸弛。貪夫若鷓鴣。蓮社有牧公。衆生  
同體膚。願言復此約。斯意豈區區。人心無大小。及  
物即良圖。十千天子事。報應何荒迂。笑彼薄施者。



銜贈思明珠。苟爲心所惻。何必俟號呼。我來憩溪上。浩然想江湖。方悟清淨理。物我同厥初。

前題

董杏燧

我松本澤國。蒸民喜烹鮮。匪特巨浸中。雲屯集漁船。沮洳暨溝壑。所在多忘筌。微細及鹿角。大而至鯨鱸。無一漏網者。見之亦可憐。山僧振錫歸。飛甍供諸天。相約繞寺溪。遠近勿漁畋。丹書勒碑碣。慈念澈重淵。從茲鱗介族。得免世網牽。雖無蛟螭種。魴鯉庶可全。正如橋渡蟻。小物命苟延。矧彼溪之北。有脉通原泉。寺後有一泉眼龍潭瀦坤位。谷水襟當乾。莫

謂。僅容翰安。知無虬潛。清風感靴紋。明月澄清漣。寧同惠子樂。直參如來禪。禪心活潑潑。水面浮青蓮。

前題

張琳

松栝隱花龕。妙香此中出。去市雖不遠。迴與紅塵別。芟溪水一灣。近接蛟龍窟。春潮引細浪。北流聲活活。云是放生處。其內聚龜鼈。雲行魚唼花。夜靜蚌曬月。水族亦已繁。所集類非一。可免網罟虞。不受漁人奪。生生固無量。其理詎能說。老僧常施飯。咒水滌香鉢。會見蓮花生。護持仗古佛。



前題

朱霞

孽龍藏淵湫。長鯨偃江海。害物人害之。有時就菹醢。所嗟溝渠中。性命寄瑣猥。密網一朝施。駢首竟何罪。芟溪一片水。前輩仁風藹。所放即不多。濫殺庶幾改。精藍得遠公。衆生資懺悔。謂牧卹和尚疏鑿加清深。萍苻發藻采。世間如此事。儘可救危殆。愚智不同情。罪福終疑給。所以遇當爲。彼此互相待。君看釜中魚。罪福心何在。

送人往補陀進香

朱霞

淨域紅塵外。浮空海嶠深。彌天弘寶筏。覺世有潮音。

音帆卸白花。影雲凝紫竹林。南風春候近。翹首竚歸心。

前題

張琳

一葦看君發。行空破雪濤。時清鯨海帖。日近蜃樓高。幡影搖金界。珠光現玉毫。劇憐登彼岸。指顧識天峩。

前題

姚廷謙

本是西方聖。偏從東海尋。靈山留應跡。破浪見皈心。鳥入慈雲白。鰲輸布地金。抽帆原不遠。咫尺聽潮音。



燈用義山韻

姚廷謙

寶帳終宵貯。蘭房向晚求。膏明常自滅。燄熱幾曾  
休。雨暗櫻桃館。雲昏燕子樓。垂簷花漫剪。照隙影  
難收。偶爆應占喜。孤停信有憂。移來添煖熱。背處  
憶風流。珠翠無勞映。攤書好敵愁。何勞玉溪子。更  
賦下幃羞。

前題

張琳

豹髓徒空語。龍膏未易求。長生原不滅。入夜豈能  
休。屏暗移深閣。窻明愛小樓。憐蛾紗罩密。窺鼠玉  
函收。角枕違余愛。金微動遠憂。燄長防月妒。脂暖

爆花流。照魄應搖夢。依歡亦引愁。盧家有新婦。對  
影總含羞。

前題

朱霞

飛光誠苦短。繼晷豈無求。一盞留春住。長年逐夢  
休。惜花紅照席。帶雨淡凝樓。鳳紙書初拆。龍牙局  
未收。焰高應有喜。心濕未舒憂。蛾細終須拂。螢微  
一任流。避人曾下拜。鑿壁豈分愁。莫羨光如月。徒  
傳蛤帳羞。

送竈

陸崑曾

掃舍除塵歲欲闌。送君歸闕笑無端。天公自古無



偏聽人世。從來怕熱官。尸祝祇抽香。似線餞行湏。撚粉為團。是非非是應難枉。莫與三彭一例看。

前題

姚廷謙

帝座由來呼吸通。家家尸祝送君同。是非漫道無憑準。檢校應能出至公。爆竹繁看花似錦。粉團拈愛雪將融。暫遊少別無多日。燈市安排十里紅。紅於元

宵接  
竈

前題

朱霞

暫別東廚向紫垣。人天來往未辭煩。長鬚赤脚羣瞻仰。幼子童孫各駿奔。豈有黃羊祈暴富。聊將粉

餌答深恩。從今不守庚申夜。料得三彭避直言。

前題

朱奕

終年口舌耐拘箝。豈有明神作話添。和氣幾分調水火。酸風一味老齏鹽。婢烹雪液團雲粉。兒摘春燈捲畫簾。呼吸可能通帝座。笑看泥首附炎炎。

送門神

陸崑曾

低眉努目爾何神。歲歲遷除歎積薪。相顧自嗟門外漢。送歸誰惜抱關人。綠沉剝蝕橫階藓。金鎖飄零委路塵。眼底盈虛君識否。世間無局不翻新。

前題

姚廷謙



風風雨雨歷朝昏。經歲何曾受主恩。身屬秦鞵終不厭。官依閹闥敢言尊。向人面目因時改。掃地衣冠那復存。新故代遷君莫怨。百年誰是舊朱門。

前題

朱霞

自笑儒門亦設官。來曾無事去無端。雙眸電炯常鰥夜。大袖風欺不耐寒。虛羨縉紳留故紙。已聞街市鬧彈冠。主人面目元無改。過客何勞兩樣看。

前題

朱奕

羞澀囊探趙壹錢。還教裝點太平年。人間將相元無種。末路英雄盡可憐。顏色已非新雨露。塵埃誰

拭舊貂蟬。蕭曹事業同公等。早看灰飛逐斷煙。

庚子除夕聯句

江城歲事闌。朱霞除夜市喧靜。乾雪薄易消。姚廷謙

酸風定逾冷。愛此華燭長。張琳欣逢素心併。紅爐

煖正添。霞綠蟻濃將凝。即景筆可拈。廷謙聯吟興

彌騁。愁容淨遣除。琳吉語勤偵訶。洗滌到瓶盆。霞

掃除及竈井。新官門有神。廷謙故鬼家懸影。轟擊

雷出車。琳裂竹魑縮頸。富庖方登珍。霞貧廚亦說

餅。胎峰筍欲迷。廷謙梨栗盤仍整。粉餌點紅殷。琳

錫膠融白澗。夸詞帖鬪工。霞冷葉曆甘屏。婦女飭



釵裙廷謙兒童炫踵頂銀泥畫地灰琳翠柏垂簷  
梗懷新蓄意多霞感舊回頭猛翻思就傅時廷謙  
忽憶辭年景背誦期瀉瓶琳習傳如汲綆老人欣  
長成霞同輩服機警稠疊事易忘廷謙模糊夢未  
醒茲宵非庚申琳不寐圖醕酖馳驚得暫停霞風  
光宜細領天人同一漚廷謙烏兔本平等晨鐘行  
復鳴琳庶幾發深省霞

于野集卷四





